

DISPVATIO IVRIDICA
IN AVGVRALIS
DE
BENEFICIO DATIO-
NIS IN SOLVTVM.

QVAM
ADIVVANTE CLEMENTIA DIVINA
EX DECRETO, PERMISSV ET AV-
THORITATE AMPLISSIMI FACTORYM IN
ILLVSTRI IVLIA ORDINIS,
PRÆSIDE

GEORGIO WERNERO, I.V.D.
CANONICI AC FEVDALIS PROFESSORE.

PVBLCO FACVLTATIS IVRIDICÆ HODIE DECANO,
ET DICASTERII GVELPHERBYTANI
ASSESSORE,

DN. PRÆCEPTORE, AC PROMOTORE SVO
ÆTERNVM DEVENERANDO,

PRO SVMMIS IN VTROQVE IVRE PRIVILEGI-
IS ET IMMVNITATIBVS DOCTORALIBVS RITE ET
LEGITIME CONSEQUENDIS,

PVBLCO AC SOLENNI EXAMINI
SVBIICIT

WOLRAD von Brüggem

CORBAC. VVALDECC.

AD DIEM SEPTEMB.


IN IVLEO MAIORI.

HORIS ANTE ET POMERIDIANIS.

HELMESTADI,

Typis HENNINGI MÜLLERI. Acad. Typog.

ANNO MDCLX.



D. T. O. M. D.

L. 16. c. de Solut.



Um, à quo mutuam sumpſiſti pecuni-
am, in ſolutum nolentem ſuſcipere no-
men debitoris tui, compelli, juris ratio
non permittit.

Authent. Hoc niſi C. d. tit. ex N. 4. c. 3.

Hoc, niſi debitor in pecunia vel aliâ re mobili ſolve-
re nequeat; tunc enim res immobilis, quam debitor
habet meliorem, ſolvi poteſt, factâ per judicem ſub-
tili ejus cauſæ æſtimatione: Ut rem prædictam & de-
bitori ſolvere, & creditori liceat petere, præſtandâ
creditori cautelâ de eviſtione, quæ debitori poſſi-
bilis ſit, quod eſt in omni actione. At, ſi creditor
paratus ſit, emptorem rei præſtare, oportet debito-
rem, cautelâ judicis arbitrio creditori præbitâ, rem
tunc diſtrahere, ut ſatiſſiat creditori.

Receſſ. Imper. de ann. 1654. §. So

viel nun. 165.

So viel nun die Capitalia anlangt/ibi: oder auff den Fall
er bey dieſen Geldleihen Zeiten keine baſre Mittel hetter/
noch erlangen könte/ durch dargebung anderer beweg- und
onbeweglicher Güter/ an ſtatt baſrer Bezahlung/ (jedoch

daß dem Creditori die Wahl/nach Befag gemeiner Rechte freyſtehet) auff derofelben vorhergehende zwischen den vorrigen vnd gegenwärtigen zeiten auff dß Mittel geſetzte billige Schätzung abzulegen / der creditor aber ſolche anzunehmen ſchuldig ſeyn.

I.

Inter alia beneficia ac privilegia, clementiâ Imperatorum ac benignitate temporum debitoribus calamitate bellica preſſis, fortuitoque caſu ad incitas redactis, conſeſſa, non minimum eſt, quod hi pro pecunia numeratâ mutuo ſumptâ, creditorib², alia bona mobilia ac im mobilia in ſolutum dare poſſint. Eſſi enim creditoribus liberum ſit, aliud pro alio volentes accipere, *l. 17. C. de ſolut.* ut tamen iſſis in viris prædium ſeu nomen aliquod pro pecuniâ obrudi poſſit, ratio juris ac juſtitix haud permittit, *text. expr. l. 2. §. 1. ff. de R. C. l. 16. C. de ſolut.*

II.

Cum autem natura in ſingulos dies novas edere formas deproperet, *2. F. 24. §. ſed non eſt alia juſſior l. 2. §. 18. C. de V. I. E.* novique quotidie emergentes caſus novis indigeant auxilijs ac remedijs; varia hinc præſidia miſeris debitoribus clementer data, exorta: quibus egenis, inediâ conſumptis, metu ac tremore violentæ invaſionis conſectis, ædibus expulſis, bonis ſpoliatis, poſſeſſionibus excluſis, prædijsque fugatis, clementiâ legum, benignitateque temporum infelicium, ſuccurritur:

III.

Eſſi enim tempus per ſe non ſit modus introducendæ vel finiendæ obligationis, *text. l. 44. ff. de O. & A.* ſimile jus tamen fieri poſſe per exceptionem, reſtatur *l. 3. C. de præſcr. 30. vel 40. ann.* Debitori itaque imputandum non eſt, qui id quod debet, neceſſitate, cui is culpâ cauſam non dedit,

dedit, interveniente, solvere nequit, *arg. text. eleg. l. 60. §. 4. ff. de R. N.* Qui enim id facit, quod potest, legem adimplet, *arg. l. 3. §. 4. ad Sc. Sylan. confer. D. Richter p. 2. de cis. 74.*

IV.

Si unicum inspiciamus §. *de indagandâ. s. Pacific. Os-
nabrug.* annon clementia Imperatoris Ferdinandi III.
gloriosiss. memor. Statuumque, Imperij fulcrorum, pro
conservatione subditorum paterna provisio, sat abunde-
que inde lucefcit? Ibi enim spes Creditoribus suum an-
helantibus, debitoribus verò miseriam obtendentibus,
facta: *De indagandâ aliquâ ratione & modo aequitati conve-
niente, qui persecutiones actionum contra debitores ob belli-
cas calamitates fortunæ lapsos, aut nimio usurarum cursu ag-
gravatos, moderatè terminari, indeque nascituris majoribus
incommodis, etiam tranquillitati publicæ noxiis obviam iri
possit: Cesarea Majestas curabit exquiri tam judicij aulici,
quàm Cameralis vota & consilia, quæ in futuris Comitibus pro-
poni, & in constitutionem certam redigi possint &c.*

V.

Quantâ curâ ac studio deinde, Dnn. Consiliarij judi-
cij Imperialis Aulici, ac Assessores Cameræ requisiti id
effecerint, vota illorum, Imperatori Statibusque Im-
perij in Comitibus ultimis Ratisponensibus super d. §. cla-
borata, exhibita, satis superque testantur. Quorum Con-
siliorum summa eo tendebat, ut salva maneret creditoribus
sors principalis, salvæque pensiones; saltem in harum
exactione hoc servaretur temperamentum, ut in futuris
proximis quinque annis pensio una cum dimidiâ annuâ,
hiscæ vero elapsis, singulis annis duæ solvantur
usque dum ratione præteritarum pensionum creditoribus

satisfactum fuerit, *Quid* autem circa hoc statutum sit, *vid.*
all. Recept. §. §. 163. seqq.

VI.

Antequam verò ad propositam disputationis materiam me accingam, nonnulla debitoribus, qui ex accidenti seu casu fortuito facultatibus lapsi sunt, egestate calamitateque bellicâ exhausti, *arg. Nov. 135. prafat.* competentia beneficia, sanctione novissimâ ex parte confirmata, præmittere placet.

VII.

Primum beneficium debitoribus Lege Juliâ jam ante concessum, est *Cessio Bonorum*: quæ est actus, quo debitor ære alieno oneratus, bona sua creditoribus ad eorum satisfactionem, vitandumque carcerem, aliasve molestias, offert ac dimittit, *arg. l. 4. C. qui bon. ced. poss.* Flebile sanè remedium ac auxilium, *l. 7. seq. C. d. s.* utilitate tamen suâ ràm ratione creditoris, quam debitoris non carens. *Confer. l. 1. l. 6. C. d. s. l. 4. pr. l. 3. C. de bon. auct. jud. poss.*

II X.

Secundum, *Beneficium Competentia*: ne scil. conveniatur debitor ultrâ, quàm facere possit; sed tantum ei relinquatur, unde victum & amictum habeat. Etsi hoc jure nostro Iustiniano certis tantum personis detur, uti ex *l. 16. l. 17. l. 19. §. 1. l. 30. ff. de re judic.* apparet, ex benignitate tamen idem debitoribus bello alijsve funestis casibus exhaustis, nec sine ratione, concessum, *arg. §. f. 1. de act. ion.* Vbi notanter dicitur: *quod inhumanum sit, spoliatum fortunis suis in solidum condemnari. Add. d. N. 135. praf. Consult. D. Tabor. de prafid. debit. n. 2.*

IX.

Tertium, *Particularis Solutio*: Quando nempe debitori liberum est, summam debitam particulariter solvere;

Etsi

Et si hæc alias non minima incommoda habeat, *text. l. 3. fam. ercisc.* Ictus Iulianus tamen eleganter dicit: *Quod humanum acturus videatur prator, si actorem compulerit, ad accipiendum id, quod offeratur; ex ratione decidendi hæc, quod ad ejus officium pertineat, lites diminuere, text. l. 21. ff. de R.C. l. f. pro suo.* Nam qui ad solutionem se offert, audiendus, *arg. l. 73. de procur. d. l. 60. §. 4. d. l. 3. §. 4. Confer. D. Carpz. Resp. Elect. L. 5. T. 9. Resp. 99.*

X.

Regula quidem est: *Integrum debitum solvendum; l. 41. §. 1. de Vfur. l. 9. C. de solut. d. l. 3. fam. ercisc. l. 73. de Reg. jur.* sed quæ exceptionibus multis obnoxia, *d. l. 21. d. l. 41. §. 1. l. 4. §. 6. de statu lib. l. 4. C. de Collat. fund. patrim.* Quidnâ ergo propter calamitatem bellicam particularem solutionem accipere cogatur creditor? *arg. d. l. 4.* Cum enim publicæ pensitationes privatis longè sint favorabiliore, certè ob miseriam debitoris, in quam ille culpâ suâ non incidit, (aliàs enim frustra imploraret legis auxilium, *l. 37. de minor.*) etiam jus creditorum, aliquantulum dormire rationis, imò summæ æquitatis est, *arg. pr. f. de except.* Atque huc tendere videntur Consiliarii Aulici in supra laudat. Consultatione ad Imperatorem missâ vers. diu weil sich aber: ibi. So wird zu dem End vor daß dritte temperament vorgeschlagen/ daß bey den nicht so gar ruinirten debitorn/ damit sie die execution vnd Bezahlung umb so viel weniger empfinden/ daß debitum dividirt/ vnd ihnen nur eine gewisse leidensliche Summa von Jahr zu Jahr zu bezahlen aufferleget werde.

XI.

Cui consultationi in quantum subscriptum, *vid. Re-cess. noviss. d. §.* So viel nun vers. fall aber & vers. wehre es aber. Quamquam & hîc prudentis judicis arbitrium cessare

sate non debet, *text. optim. l. 137. §. 2. ff. de V. O.* quod pro statu debitoris ac creditoris, consideratis probe circumstantiis ita dirigendum, quod scil. hæc demum sit iustitia, quæ suum cuique ita tribuat, ut non distrahatur ab ullius personæ iustiore repetitione, *per text. eleg. l. 31. §. 1. ff. de pos.* Nec semper delicatus debitor, nec etiã onerosus creditor audiendus est, *text. l. 25. in fin. de pignor. act.* neque æquum, & à nostrorum temporum iustitiã alienum, *uti scitè Imperator noster Iustinianus Edict. 7. c. 3. loquitur*; Eos, qui bene de alijs merentur, rebus suis privari, qui vero debent superbire de alieno, add. d. §. vers. *men anch, Recess. noviss.*

XII.

Quod de Beneficio *Alterius Tanti* à nonnullis profertur, ac ut *optimum* deprædicatur, id nullum esse, si de jure novissimo quæstio sit, inde videtur colligi posse: quo posito, rationes patronorum hujus, ut ut aliàs plausibiles satis videantur, una liturã inductæ erunt. Quod etiam tendit Consilium Dn. Assessorum Cameræ Imperialis modo laudatum: *ibi.* vielweniger das neulich von etlichen her vorgesuchtes / den bekandten Reichs Constitutionibus, vnd derosüblichen observantz zu wiederlauffendes / so wol Capital, als pensiones hochschädlicher weise absorbirendes alterum tantum einigermassen gutt heißen sonnen / angesehen / dasselbeden Creditoribus unversehener dinge viel Millionen nicht allein beschmen / sondern auch ein verderbliche conditionem indebiti über den halß ziehen würde.

XIII.

Idque etiam *per all. Recess.* ex parte confirmatum: *Sors sc. principalis* creditori integra permansit, d. §. So viel nun *pr.* pensiones autem præteritæ restantes ad quartam partem remissæ sunt, consideratis tamen circumstantiis, d. *Rec. §.* die verfloßene. Quod beneficium jam ante laudavit

D. Carpz.

D. Carpz. de assyl. debit. c. 4. n. 115. seqq. Confer. præ cæteris Consultiss. D. Hahn. Antecessor Academiæ Iulie primarius in Observ. VVresenbec. p. 2. p. 73. in addit. Temperamentum autem in harum exactione observandum præscribitur. d. §. die verfloßene. seq. Futuræ usuræ quincunces etiam, manente penes debitorem sorte principali, permissæ. Nec inde habet, de quo jure conqueri possit debitor, ac si quid fiat contra legum tenorem, & quod accessio sic fiat major principali: Notabiliter enim juris illud brocardicum limitatur, Nisi illa sit ex diversâ causâ; tunc enim quamdiu hæc militat, nil absurdi habet, quod accessio alio atque alio jure censeatur, prout Consultiss. D. Schütz antehac Professor Gissa laudatissimus, nunc Consiliarius Imperii Iudicii Aulici gravissimus, Præceptor meus nunquam satis laudandus, in Dißat. pandect. ad tit. de usur. vol. 1. docuit, argumentaque à patronis Alterius Tanti in medium prolata solidè refutavit.

XIV.

De Beneficio *Induciarum Moratoriarum*, scil. quarto, quarum sedes ordinaria, *inl. f. C. quibon ced. poss. l. 2. l. 4. C. de precib. Imper. offer. Reform. polit. de anno 1577. rubr. von verdorbenen Rauffleuten* / quid ex sint, quomodo concedendæ, ac quibus, quamnam libelli pro harum concessione requisita? multis hic adferre ratio temporis instituti-que mei non patitur; plurima videri possunt apud *D. VVilhelm. Anton. tract. eleg. de rescript. morat. Coll. publ. de Stat. R. R. Cancellar. Schützens. p. m. v. 2. D. 9. th. 11. seqq. Quid hodie per sanctionem novissimam de his constitutum, videre licet. sapè Laud. Recess. §. dieser vnserer. 168.*

XV.

Sequitur non minimum beneficium, clementia Imperatoris nostri Iustiniani debitoribus concessum, *Datio*

B

scil.

scil. *bonorum in solutum: d. N. 4. c. 3.* ex qua desumpta disputationi huic præmissa Authentica. *Hoc nisi. C. de solut.* subsequentibus temporibus, gratia Legislatorum confirmatum, suadente hoc, tam debitorum indigentia, quam creditorum propria utilitate ac necessitate, *Recess. noviss. d. §. Soviel nun vers. oder auff den Fall.* Verba emphatica in *d. N.* habentur, ibi: *Quamobrem quod cum injuria & affectu acerbo perduceret creditorem & debitorem; hoc Nos clementer simul & legaliter decidentes, & infelicibus debitoribus auxiliamur, & acerbis creditoribus non apparebimus duri, causasque deputantes, ad quam si permanerent inobedientes, tamen modis omnibus advenirent. &c.*

XVI.

De quo legali præsidio, habita temporis ac virium ratione, nonnulla disputationis inauguralis loco proponere operæ pretium me facturum existimavi, *arg. l. 25. de liber. leg.* Materia hæc quidem ampliorem deductionem exposceret; verum, ne verbosos commentarios hinc faciam, accuratiorem illius disquisitionem, in aliud commodius tempus, Deo T. O. M. vitam viresque clementer concedente, rejicio, sperans, me, si non omnia ordine suo hac vice proposuerim, considerata temporis ad elaborandum superveniente brevitate, à doctioribus veniam impetraturum.

XVII.

Cum JCrinostris verborum non minimam curam agant, placet & mihi nonnulla adducere, quæ ad materiam hujus intellectum faciliorem faciunt. *Dare* multas significationes habet; propriè autem denotat dominium transferre, §. 14. *l. de act. l. 75. §. f. de V. O. Datio*, vel vera, vel ficta, *Exempla hujus l. 13. l. 19. §. f. de R. C.*

XIIX.

XIIX.

Solutionis vocabulum etiam ambiguum esse constat: sumitur enim *vel latè*, quat. significat ipsam obligationis dissolutionem; quo significatu est effectus omnium modorum, quibus ipso jure tollitur obligatio, *ut in l. 34. de solut. l. 176. de V. S. vel strictè*, quatenus denotat proprium & specialem modum tollendi obligationem, qui perficitur reali præstatione ejus, quod debetur, *l. pen. l. 49. d. 1. l. 9. §. 3. de pign. act.*

XIX.

Sumitur hoc loco, in lata significatione: hinc *insolutum dare*, An *Bezahlung* i. e. an statt der *Bezahlung* dargel. *ben.* Inde *Datio insolutum*, quæ alias vocatur solutio res præsentativa seu surrogativa, *arg. l. 29. C. de evict.* à nonnullis, prodromus & antesignanus cessionis. Item subsidiaria solutio, *Conf. Manz. patroc. deb. dec. 1. q. 9.*

XX.

Præmissis hisce, subsequitur definitio realis, nempe, *Datio insolutum* est beneficium, quo debitoribus casu fortuito ac calamitoso ad paupertatem redactis, quibus adhuc prædia & res immobiles supersunt, quæ emptorem non inveniunt, ea creditoribus loco solutionis dare fas est, *arg. d. N. & d. auct. Rec. noviss. d. §.*

XXI.

Dividi solet, quod alia sit *Voluntaria* seu *extrajudicialis*, alia *necessaria* seu *judicialis*. Illa, quæ fit creditori ab ipso debitore extra judicium, *arg. l. 9. C. de rescind. vendit.* Hac, quæ fit creditori à iudice, pro executione rei judicatz, *arg. l. 9. ff. de fideic. libert.* Quæ propriè etiam *Adjudicatio* appellatur. Requisita hujus, à *Dd. in l. 15. ff. de re judic.* traduntur, *Confer. Alex. 1. Consil. 52.* Quamquam nec semper

ordinem d. l. 15. observari posse testetur, *Carpz. syl. debis.*
r. 4. n. 172. seqq.

XXII.

Sed *necessaria* propriè beneficium dici nequit, *arg. l. 67. pr. de leg. 1. l. 83. §. 1. de V. O.* nec etiam tradita definitio huic commodè applicari potest; unde de judiciali peculiariter hîc tractare supersedebo, nisi quatenus materiz afinitas, mentionem illius facere exposcit. De hac, qualis sit, & quis ejus effectus, *vid. tit. ff. de reb. auct. jud. possid. ubiq.* *Dd. Berlich. p. 1. Concl. pract. 81. Carpz. p. 3. pr. for. C. is D. 27.*

XXIII.

Causa impulsiva, beneficij hujus, est necessitas ac indigentia humana. Sic enim Imperator *d. N. 4. c. 3. pr. ait. Si quis mutuaverit aurum, debitoris substantia credens, at ille ad restitutionem auri non sit idoneus: Necessitas* sanè, ingens ac durum telum, non subest legibus, sed ipsa legem facit. *text. l. 27. de manum. test.* Sine culpa tamen proveniens, *d. N. 135. praf.* Necessitas enim, quæ potest esse non necessitas, non excusat, *arg. l. 7. §. 1. ff. qui satisd. cog. text. notab. l. 2. §. 8. ff. si quis caut. in jud.* Præsupponendum itaque, debitorem id, quod in obligationem deductum est,olvere non posse. *Expressa regula est, d. l. 16. C. de solus. AE-*
quisitima vox & ius gentium præferens, redde quod debes. Senec. Lib. 3. de benef. c. 14. Unde debitor objectu debitoris sui setueri nequit, *arg. l. 6. §. 1. quib. mod. pign. solvat.* Atque dudum in proverbium ivit: daß wer sein bahr aufgeltihenes Geld wieder haben will / demselben es gar nicht zu verdienen sehe. *Confer. D. Tabor. de praf. debis. n. 17. & supr. thes. 15.*

XXIV.

Regula quog, est, aliud pro alio invito creditori solvi non

non posse, *d. l. 2. §. 1. de R. C.* consentienti vero id fieri posse, testantur *l. 17. l. 20. C. de solut. l. pretii. C. de resc. vend. arg. l. 29. C. de pact.* At exceptio in *auth. hoc nisi. C. d. t.* Nisi debitor in pecunia vel alia re mobili solvere nequeat; tunc enim res alia immobilis, & quidem, quam habet meliorē, solvi potest. *Confer. l. f. §. 4. & 6. C. de iur. deliber.*

XXV.

Ceterum, quando debitor depauperationem allegat, illam probare tenetur, *arg. l. 8. & l. 10. ff. de V. O.* Non enim debitor simpliciter excipit de paupertate, sed calamitate belli se non solvendo factum esse contendit, quo ipso se divitem fuisse, & nunc facultatibus lapsum fatetur; quod, quia in facto incerto consistit, ei ceu affirmanti, sive sese in negativa fundati probationē incumbere rectius asseritur, *arg. l. 5. §. 1. qui. satisd. cog.*

XXVI.

Causam remotam, dico esse *legem*. Clementia enim legis sancitum, ut debitor aliud pro alio in solutum dare possit, *d. N. 4. c. 3. pr. & vers. sed hoc. d. Recess. ult. §. 16r. vers. oder arg. l. 2. de ll.* Tria per all. N. 4. specialiter inducta esse contra juris communis regulas patet, 1. quod Creditor aliud pro alio recipere cogatur, *arg. l. 7. d. LL. d. N. vers. si enim non sit.* 2. Et si regulariter venditor emptori de evictione non teneatur, nisi re evicta vel sublata, *text. l. 74. ff. l. 3. C. de evict.* ideoque nec de evictione cavere, præterquam ubi hæc in limine contractus imminet, *text. l. 24. C. d. s.* hoc tamen casu, debitor, rem immobilem pro quantitate debiti in solutum dare volens, tenetur creditori cautionem de evictione præstare possibilem, per pignora, vel fidejussores; & si hoc facere nequeat, ad juratoriam admitendus erit, *arg. §. sed hac bodio. l. de satisd.* 3. Quod con-

tra regulam in l. 21. C. mandat. teneatur rem meliorem vel optimam dare, per quam penitus creditori sit consultum. Ratio huius est, quod creditor gravatus in uno, sc. rem pro pecunia accipere, in alio iterum sublevandus sit, arg. l. 30. pr. ff. de iureiur. Neque obstant. Auth. hoc ius porrectum. C. de SS. Eccles. Nov. 120. c. 6. seq. ad quos textus responsionem discursus fortean suppeditabit.

XXVII.

Jam de personis, & quænam bona insolutum dare possint, talem formo propositionem. Quicumque consensum ac rerum suarum liberam administrationem habent, illi bona sua in solutum dare possunt; Actuum enim humanorum perfectio & validitas duo requirit principia in jure copulata, nimirum, voluntatem, & potestatem quorum alterum si desit, nihil est, quod agitur, Klock. de contribut. c. 12. n. 55. Vultei. 3. Conf. Marp. 35. Ex. gr. Etsi pupillus rerum suarum dominus sit, libera tamen illarum administratio ac alienatio ipsi est adempta; quod, uti est in legis potestate arg. d. l. 2. de LL. ita libertatem illam disponendi l. 21. C. mandat. ex supereminenti dominio aliquantulum restringit ac dormire facit liberam administrationem, nec id sine magna ratione, arg. §. f. quib. alien. lic. §. f. de his qui sui vel al. iur.

XXIIX.

Hinc, alienare prohibitus, in solutum dare regulariter quoque prohibitus est, arg. l. 46. de usucap. vel l. 1. pro solut. l. 4. de publ. in rem. Jam licet subsumere. Atqui vasallus 2. F. 52. 2. F. 55. maritus. pr. 1. quib. al. lic. vel non. pupillus, §. 2. 3. d. 5. Infantes. l. 18. C. de jur. delib. l. 3. C. de acquir. poss. Minor text. expr. l. 15. C. de prad. & al. reb. min. text. l. 40. §. 1. de minor 25. ann. Furiolus, mente captus, l. 5. l. 40. l. 124.

l. 124. de R. J. prodigus. l. 1. de curat. fur. tutor vel curator. l. 22. l. 40. ff. l. 10. l. 22. C. de adm. tut. creditor. §. 1. f. d. t. & c. regulariter alienare prohibiti sunt. Ergò. Regulam do, sed multis subjectam exceptionibus, quas omnes hic recensere non vacat.

XXIX.

Persona, cui bona in solutum dari possunt, est creditor, vel is, cui libera in solutum accipiendi potestas a facultas à lege vel homine data est. Nam qui specialiter non excipitur, sed dominus est, consensum, rerumque suarum liberam administrationem habet, is sicut in solutum dare, ita etiam accipere potest. *Confer. §. 2. l. quib. alien. lic. vel non.*

XXX.

Obiectum, seu quod in solutum dari possit, sunt res mobiles ac immobiles, in commercio existentes, nec alienari prohibita. Hinc iterum *maioris alem constituo*: Quodcunque in commercio est, nec alienari prohibitum, illud in solutum dari potest, *arg. l. 9. de solut. & sub sumo*, atqui Fideicommissum *l. 3. §. 2. C. comm. de legat.* Res Ecclesiasticae *l. 14. C. de SS. Eccles. Feudum d. 2. F. 52. & 55.* Bona dotalia *d. pr. l. quib. al. lic.* Bona minorum. *d. l. 22. C. de adm. tut. d. l. 15. C. de prad. min.* regulariter alienari prohibita, E. nec in solutum dari possunt. Thesis hæc per ampliationes ac restrictiones latius deduci potuisset, verum ne disputatio hæc exerefeat, sufficiat illa regulæ loco posuisse, accuratiori enucleatione in tempus commodius reservatâ.

XXXI.

Quin vero Emphyteusis in solutum dari possit, nullum habet dubium, cum emphyteuta jus suum terrio etiam ven-

iam vendere possit : datio insolutum autem venditioni quam maximè sit similis, *l. f. ff. ex quib. caus. in poss.* Neque obst. *l. 3. C. de iur. emphyt.* Resp. enim, quod alienatio Emphyteutæ in illâ lege non interdicatur, sed jus prælationis Domino directo tantum concedatur ; quod tantum abest, ut arguat facultatem vendendi ademptam, ut potius fortissimè eâ inferat. Hinc in Emphyteuscos datione in solutum, Laudemium Domino præstandum esse tradit. *Ioseph. Ludovic. decis. Per. 60. n. 7.* hæc ex ratione, quod aliàs facilè aperiretur via fraudibus in præjudicium dominij, ac res emphyteutica transferretur quovis sub fuco. *Amed. de Pont. quest. laudem. 27.*

XXXII.

Sic rem alienam in solutum dari non posse, ad hunc effectum, ut inde plena liberatio subsequatur, tradit, *doct. Fissius Faber in Codic. l. 8. T. 14. D. 8. n. 14.* Datio enim insolutum nocet debitori tantum, non alijs habentibus jus in re. *Menoch. Consil. 1110. n. 15. & Conf. 1111.* Si enim res aliena detur, superest actio de evictione adversus in solutum dantem. An verò re in solutum darâ evictâ, pristinâ actione adhuc agi possit, an vero sola supersit actio de evictione ? consulatur *modo laudatus Antonius Faber, in Cod. l. 8. T. 30. D. 49. add. l. 75. §. f. l. 20. l. 69. l. 98. ff. de solut.* Et quæstio hæc per distinctionem expediri rectè posse videtur.

XXXIII.

An autem nomen, & quale in solutum dare possit debitor ? *vid. l. 1. C. de O. & A. May disc. lev. deb. c. 4. §. 10. n. 32. seqq. D. Carpx. Resp. Elect. l. 4. T. 1. Resp. 3. Berlich. p. 2. decis. aur. 296. Boër. decis. 57.*

XXXIV.

Formalia requisitâ autem, quando ad dationem bonorum

norum in solutum perveniri possit, partim *ex sepe cit. N. 4. 2.*
 3. partim *ex sanct. noviss.* desumi possunt. Horum primum,
 ut debitor reverâ sit destitutus medijs, id præstandi, quod
 est in obligatione. 2. Ut prius, quam immobiles res cogatur
 creditor accipere, mobiles distrahi, & inde solutionem
 fieri debitor patiat, 3. Ut si illa non adsint, immobiles
 demum distrahantur. 4. Si nec hæ emptorem repèriant,
 ut optimæ ac præstantissimæ dentur. 5. Ut præstetur
 cautio de evictione. *Confer. D. Hahn Obs. Wesenb. p. 2. pag.*
669. ubi quod ejusmodi requisita ad amissum semper ob-
 servari non possint, testatur.

XXXV.

De hoc quoque remedio. Dnn. Camerales in ante
 laudatâ Consultatione ad Imperatorem d. m. ita rescribunt:
ibi. Ob abrr vors ânder/ den creditoribus kôntê oder solte zugemuthet werden/ an statt der baar gelihenen Geldmittel sich
 mit liegenden oder fahrenden andern stücken/ wieder fren willen/
 zu ihrem Schaden zahlen zulassen/ so liege die gemeine Rechts
 Regul im wege/ *in d. l. 2. §. 1. & d. l. 16.* welche General Regul
 glichtwol ihre gewisse moderation vnd Abfall leidet/ *juxta.*
d. Aurb. & d. N. 4. c. 3.º Bey deren Verschung wir es auch
 unsers theils/ jure tamen hypothecarum ubique salvo, ohn
 ferner deduction bewenden lassen/ vnd keine gnugsahme Vrsach
 sehen/ warumb die allgemaine beschriebene Rechten Ver-
 ordnung vnd dero disposition dissals solten beygesetzet wer-
 den. *Habtenus Cameral.*

XXXVI.

Quid vero per sanctionem pragmaticam novissimam
 circa hunc punctum constitutum, ac in quantum dictæ con-
 sultationi ab Imperatore Statibusque Imperij subscriptum
 sit,

fit, videre licet in *d. §. 165. vers.* oder auff den Fall. Nempe, quod debitor (si pecuniam numeratam non habeat, nec sibi comparare possit, sicque in classe egentium debitorum se casu fortuito positum esse probaverit,) bonorum mobilium vel immobilium in solutum datione, (creditori tamen, juxta juris communis dispositionem, electione salvâ relictâ: & prævia æstimatione justâ & quæ ex collatione, valoris tum præteriti tum hodierni temporis sit ineunda, auff das Mittel gestellte Schätzung) quæ nec creditorem nec debitorem lædat, & quam alibi Iustinianus justam distributionemque vocat. *Nov. 120. c. 6. §. 2.* se à nexu obligationis liberare possit, creditorque, ut ut aliàs acerbus, illa accipere obligatus sit. Si enim Creditores instant urgent, creditum exigunt, *d. N. verb. verum creditor ardeat aurum omnimodo quarens*, datione bonorum in solutum illis à debitoribus satisfactio fieri potest. *arg. l. 5. C. de O. & A. l. 42. de R. I. d. §. 165. ibi. anzunehmen schuldig arg. d. l. 7. de LL.*

XXXVII.

De cœtero, multum hic, habitâ temporis, personarum, circumstantiarumque ratione discreti judicis arbitrio tribuendum esse, sæpe dictus, Récessus, res ipsa, & praxis quotidiana testantur, *d. l. 137. §. 2. de V. O.* Quanquam & illud, quod expressè abrogatum non est, adhuc observandum esse, mutuumque manere stricti juris, dicendum sit, *arg. l. 27. C. de testam. l. 32. in fin. C. de appellat. arg. N. 18. c. 5. Confer. Menoch. A. 1. Q. c. 2. cas. 145.*

XXXIX.

Forma accidentalis esse poterit, quod, sicuti emptioni venditioni pactum in diem additionis licitè ex partium contrahentium conventionione, apponitur, ita & dationi in solutum

solutum voluntariæ, adjici posse, nulla vel juris, æquitatis, vel justitiæ ratio repugnet, quin potius utilitati tam creditoris quam debitoris conveniens sit, *Confer. l. i. l. 4. §. f. l. f. ff. de in diem add.*

XXXIX.

Effectus dationis in solutum est, quod 1. observatis requisitis, obligationem extinguat, *arg. pr. l. quib. mod. toll. oblig.* ac sic liberatio subsequatur. Hinc, re in solutum data, dominium transferri patet, *arg. l. 46. de solut. l. f. ex quib. caus. in poss. l. 24. pr. de pign. act. Forst. de domin. c. 8. n. 14.* 2. Quod ab illâ recedere non liceat, *text. l. 10. C. de solut.* 3. quod ex extrajudiciali oriatur actio ex empto & vendito. *Asin. de execut. §. 4. c. 4.* Notabilis etiam hic 4. effectus est; quod à creditore, qui pro pecuniâ fundum in solutum accepit, atque postea pluri illum vendidit, id quod excedit summam debiti, debitor repetere nequeat *text. express. l. 24. C. de solut. ibi Perex. arg. l. 10. de R. I. l. 3. ad l. falcid.* Quod item 5. litis denuntiatio obtineat, *arg. l. 4. C. de evict. Carpz. Ipr. for. p. 1. C. 3. D. 23.* Alij in *l. 15. §. 33. de damn. inf. l. 26. §. 2. mand. l. 4. §. 1. ff. quib. mod. pig. solv.* recensentur. *Vid. Alex. 1. Consil. 52, judicialis* autem dationis in solutum quinam effectus, *tradit Menoch. Consil. 1173. Decian. Consil. 35. lib. 2. Decius. Consil. 592. Et c. Fachin. 2. C. 20. vers. altera controu.* Quod autem in dubio præsumatur voluntaria magis, quam judicialis, testatur *Alex. d. consil.*

XL.

Pignoristamen naturam non mutat: Si enim prædium pro soluto datum, quod alijs creditoribus obligatum fuerat, jure evictum, actio utilis contra debitorem competit, *text. l. 4. C. de evict.* Securitas itaque creditoris ni-

titur illa cautione, *de quâ thes. 34. n. 3.* quâ creditum ante dationem in solutum confirmatum erat; Nam si pignoris nexu aut fidejussorum sponfione vel juratoria creditori cautum fuit, (admittitur enim debitor ad cautionem, quæ quæ illi possibilis sit, *d. N. c. 3. vers. qualem omninò dare possibile est.*) quando res in solutum data evincitur, quæ eâ de causâ actio competiit, ob tacitam conditionem, quæ inest dationi in solutum, ut valeat, si res transitura & permanfura est in dominio accipientis, adhuc durat, *vid. Hering. de fidejuss. c. 20. §. 21.*

XLI.

Hinc si quis rem alij obligatam, dissimulatâ actione, per calliditatem alij distraxerit, vel permutaverit, vel in solutum dederit, crimen stellionatus committit, *text. l. 3. §. 1. ff. de crim. stellion. l. 16. §. 1. de pign. act.* planè etiam, si res aliqua in solutum daretur simpliciter, quæ postea reperta servire vel obligata, remedio *d. l. 4.* uti licet. *Confer. Sicb. in Codic. ad tit. de evict. n. 8. Marilian. decis. 9. & 52.* Re enim alienâ, vel alteri jam tum obligata, in solutum datâ, obligationi non est satisfactum; cum non sit translatum dominiû; *arg. l. 54. de R. I. text. l. 46. de solut.* plane, si quis per dolum pluris æstimatum fundum in solutû dederit, non liberatur, nisi id quod deest repleatur, *d. l. §. 2. de solut. Non obst. l. 15. ff. de Re Ind.*

XLII.

Contraria sunt, I. Quod, si in datione in solutum extrajudiciali læsio ultra dimidium contigerit, detur beneficium *l. 2. C. de rescind. vendit. arg. d. l. 4. d. l. f. ex quib. caus. in poss. l. 6. C. de solut. Mantua Consil. 70. v. 1. n. 5. seqq. Consult. D. Hahn. all. observ. p. 1. pag. 625. vers. controversum. ubi præiud. Iudicialis autem requisitis de jure solennitatibus, an rescindatur* *vid. l. 5. l.*

l. 1. l. 6. C. de fid. & iur. hast. fisc. l. 3. C. de remiss. pignor. rext. eleg. l. 10. C. de rescind. vendit. Berlich, p. 1. concl. pract. 81. D. Carpz. d. p. 3. C. 15. D. 27. Consult. D. Schütz antè laudatus pract. ff. vol. 2. tit. de reb. auct. ind. possid.

XLIII.

Sic 2. & *luri Retractus* in ea locum esse patet: Cum enim uti antea dictum, dationis in solutum effectus ferè cum emptione ac venditione idem sit, in hac autem locum sibi iste vindicet. non sine ratione ad dationem in solutum hoc est extensum, extensione sc. quadam comprehensivâ, *arg. l. 2. C. de resc. vendit.* præsuppositis nempe terminis habilibus, qui in quolibet actu præsupponendi. *Ming. de super. terris. th. 54. vid. D. Reink. in tract. elegantiss. (uti vocatur, à D. Hahn. d. observ. p. 1. pag. 638) de retract. consanguinis. quest. 4. n. 53. seqq. ubi id etiam ad judiciale extendit. add. D. Knipsch. tract. sing. de fideicommiss. c. 11. n. 50.*

XLIV.

Affinis sunt 1. *Emptio venditio*. Et si enim nonnulli hæc duo plane confundant, quin tamè adhuc differentijs suis specificis, ac qualitatibus essentialibus differant, omninò negari non posse arbitror. Ratione quidem effectus quædam affinitas in hisce apparet, inde tamen ad confusionem materialium juris à Ictis nostris distinctè tractatarum progredi non licet. *Confer. Rot. Genuens. decis. 4. Menoch. conf. 201. Boër. decis. 49.* Tenendum etiam, brocardicon illud juris, à *Consult. D. Reink. d. tract. allegatum, Quod surrogatum sapiat naturam ejus, in cujus locum surrogatur, l. 10. §. 2. si quis caut. jud.* notabiliter limitari: Quod res surrogata non intelligatur, nec cadat in obligationem prioris, nisi ex re primâ sit orta, aut nisi expresse hoc cautum sit, *Aut, nisi di-*

versa qualitas interveniat, *Goedd. Consil. Marp. vol. 3. consil. 33.* Nec omne simile idem esse testantur, *sexi. eleg. l. 10. §. 4. de iur. dot. l. 4. §. 31. de dol. mal. & met. exc. l. 2. de iurej. l. 40. pr. de pecul. l. 2. C. de rer. permitt.*


XLV.

Affinis 2. est Cessio Bonorum, de quâ th. 7. Convenio hæc, quod utrâque quis liberetur à carcere & molestijs creditorum. *Differt*, quod in hâc cogatur debitor omnia bona sua dimittere, non vero in illâ. Sunt & nonnullæ aliæ differentiæ, *de quibus Dd. passim. 3. Adjudicatio*, quæ tamen & ipsa à datione nostra differt, *Ioh. Bapt. Assin. de execut. §. 4. 4. Permutatio 5.* sic species in solutum dationis, est *cessio nominis de quâ May. d. tr. c. 7. n. 16.*

XLVI.

Hæc pro ratione temporis adduxisse sufficiat. Fateor equidem, multa ad discutiendum adduci potuisse, ast reservo hæc in aliud tempus. Plura qui nosse satagit, *vid. Tusch. conclus. præct. verb. h. Thesaur. decis. 147. Berlich. d. p. 2. dec. aur. 196. & 296. Menoch. conf. 1182. 1183. 1111. 1173. Coler. de proc. exec. p. 1. c. 5. & p. 3. c. 9. Köpp. decis. 25. Alex. d. conf. 52. Fulgos. consil. 190. & 136. Fachin. 6. C. 55. 4. C. 39. 10. C. 63. Casar de bon. in solut. dand. qui in tract. tractat. extat. & alios Dd.* In hilce itaq; materiam hanc concludo, cum Deo, cujus infinitæ bonitati & clementiæ gratias ago maximas, quod S. S. auxilio adesse voluerit.





COROLLARIA.

I.

Magnatum filia, acceptâ dote successioni paterna, interveniente corporali juramento, licitè renunciant.

II.

Non sine ratione in cooptatione Statuum Imperii, inter alia requisita & hoc habetur, ut, quicumque in horum numerum cooptari, sessionem & votum in Comitibus habere velint, acquirant immediate in Imperio sita bona, ad dignitatem talem sufficientia.

III.

Non datur appellatio à principe malè informato ad meliùs informandum: Nec ab Imperatore

zore ad Pontificem: Nec à Camera Imperia-
li ad Imperatorem.

IV.

Tolerari potest divisio, quod sit alia plena,
alia semiplena probatio.

V.

Alimenta incestuosis etiam de Iure Civili
deberi, aequius ac verius.

VI.

Non sine ratione institutum, ne pater inter
duos liberos testimonium ferre possit.

VII.

Ut litium causa vera, avaritia ac libido
Mortalium quotidie invalescens : ita reme-
dium verum in illorum legitimâ educatione
positum esse non improbabiler assertitur.

VII.

Potestas vendendi liberos patri tempore ne-
cessita-

cessitatis lege concessa, matri non competit.

IX.

*Pater filium nolentem, jure suo, ad incun-
dum matrimonium cogere nequit.*

X.

*Maritus refractariam uxorem leviter ca-
stigare. Non tamen ob non solutam dotem do-
mo expellere potest.*

F I N I S.

*Eximio Domino Candidato amico
carissimo*

*De Inaugurali dissertatione ex ani-
mo gratulor*

HENRICUS HAHNIUS D.

Nuper ut ad viridem venit BRUGGENIVS Elmum;
Stant ubi Iulæ pulpita sancta domus,
Ecce Themis, Charitumque cohors, Sophiæque magistræ
Plaudite, dixerunt, plaudite, Noster erit!

D

Ille

Ille catenatos infraq̃a mente labores
Sat tulit, hic tandem digna brabeja feret,
Nobile mox specimen Studio maturus & Æquo
Edet, mox Elmo rursus abibit ovans.
Accipe, doctē, tua, BRÜGGENI, præmia pugna,
Ampla tibi merces sedulitatis adest:
Accipe promeritos olim reverenter honores,
In Themidis porro gratus amore mane:
Sic procures inter gemini numerabere juris,
Et tua post mortem fama superstes erit.

Sic est, virtutem sequitur sua gloria, corpus
Sole micante suum ceu solet umbra sequi.
Illius ast pretium non cunctis constat. & error
Sæpius indignis magna brabeja dedit.
Sunt etenim pauci, quos Iuppiter æquus amavit,
Et Titan finxit de meliore luto,
Qui nec fallaci ducantur imagine rerum,
Nec verè dignis præmia justa negent.
Iulia, Brüggēni, præprudens arbitra rerum
Iustè decrevit, texere ferra tibi.
Serta, quibus tantum dignos præcingere gaudet,
Et quēis selectos munerat alma suos.
Hos inter numerat Te, Brüggi, Iulia nostra
Quæ rigidè Vates arte probare solet.
Hoc certè (quidni dicam?) te nomine faustum
Censeo, quod tanto detur honore frui.
Id meruit virtus, cui deditus esse solebas,
Id labor & studium promeruere tuum.

Præte:

Præterea egregijs es Præceptoribus usus,
Quos Romanorum Rex amat atque fovet.
A quibus hausisti Themidos penetralia, quidni
Illius ad culmen scandere jure queas?
Næ, si per varia impedimenta liceret, *Amice*
Turbaque se facilem Melpomenæ daret.
Carminè percuperem mea gaudia dicere longo,
Affectus multis & documenta darem.
Sed vetor & paucis cogor comprehendere vota,
Ex imo tibi quæ corde profecta fero.
Vrge successus; felicibus utere fatis,
Sentiat ingenij publica dona salus.
I quoque perlatus, quo Te Tua gloria, vitæ
Integritasque tuæ, quò pia vota vocant.
Post spes, post varios exantlatosque labores
Sistat in optato se tua cymba loco.

*Ita Eximio Dn. Candidato domestico, con-
victori & amico suo charissimo gra-
tulari voluit.*

JOANNES Eichel.

CL. V.

DN. WOLRADO à BRÜGGEN.

Amico animatus dilecto.

Longum pollicitus carmen, scribo breve, Quæris
Cur? Puto jam scriptis carmen inesse Tuis.
Scilicet haud opus est verbis, ubi copia rerum est:
Externique nihil Solus imago cupis,

Perge

*Perge modò & primâ vulgus qui vincis arend,
Latus ad aethereas scande per astra domos.
Astra ex voto facies satis, inque solutum
Nil dabit, ast digno digna brabea dabit.*

Felicitatem omnem apprecatus
duxed. f.

ENOCH GLÆSER
I. V. D. & Prof.

